



UNIVERSITÄTS-
BIBLIOTHEK
PADERBORN

Universitätsbibliothek Paderborn

Iacobi Philippi Tomasini Sancti Georgij ab Alga Venetiarum Canonici Secularis De Donariis ac Tabellis Votivis Liber Singularis

Tomasini, Giacomo Filippo

Vtini, 1639

XXXI. Piscatorum Vota.

urn:nbn:de:hbz:466:1-13253

AVRIGÆ autem non solum huic Deæ Vota soluebant, sed Neptuno etiam Equorum ornamenta, ceteraq; quæ actoribus in ludis usui, dicabant. Variorum Epigr. Lib. 6. Cap. 2. Epigr. 1. Vbi Neptunus auctore Lactantio Lib. vi. Cap. xx. Circi præses erat, ut Deus Equestris ἵππιος Græcis nominatus ab Equis, teste Porphyrio de Abst. Lib. 111. Nominis rationem reddit Festus: *vel quod Pegasus ex eo & Pegaside natus sit: vel quod equuleus, ut putant, loco eius suppositus Saturno fuerit, quem pro Neptuno deuoraret: vel quod tridentis in terra equum excierit. cui ob hoc in Illyrico quaternos equos iaciebant nono quoque anno in mare.*

Atque eo in loco Mercurij Statuam ad Carceres positam fuisse innuit ibidem Epigram. 2. Ita apud Pindarum Isthm. Od. 2. rectè fingitur Neptunus Xenocrati Isthmiam victoriam præbuisse. Hinc facilè intelligitur Hippocratis de morbo sacro locus: *Si auctiorem & vegetiorem vocem edat æger, equo similem esse dicunt, & ad Neptunum causam referunt.*

Ludi verò Circenses fiebant in honorem Neptuni, quem Censum appellant, quibus agitabatur Troia; Ludus scilicet Equestris adolescentiæ, cuius meminit in Augusto Suetonius. de quo intelligendum esse libelli de Theriaca ad Pisonem Galeno ascripti auctorem non obscuris argumentis eruditè conijcit Gaspar Hofmannus Variarum Lectionum Lib. vi. Cap. v.

Sed & Venus ἵππιος, hoc est, *Equestris* Aneæ iussu dicta fuit, cum ipse post longa navigationis rœdia littori redditus tandem equum conscendens matrem Venerem tali effigie coluerit.

CAPVT XXXI.

PISCATORVM VOTA.

Veterum opinione Pisces in Deorum numerum relatos fuisse tradit Xenophon de Chalo fluuio verba faciens:

Z. Erat

Erat is mansuetis piscibus refertus, quos Syri pro Dijs habebant. Neque ledi eos patiebantur, sicut ne columbas quidem. Quem secutus Cicero de Natura Deorum Lib. III. Piscem (inquit) Syri venerantur. Noluerunt enim ut canit Ovidius I. Fastorum.

———— genus hoc impouere mensis,

Nec violenti timidi piscibus ora Syri

Verebatur scilicet natio hæc superstitiosa, ne si hisce animalibus vescerentur aliquod sibi membrum à vindicta Deæ Veneris intumesceret, aut ulceribus scateret, neve iecur tabesceret. Venerem autem, dum Typhonem fugit in piscem conuersam, indicat Manilius Astrorum. Lib. IV.

Scilicet in Piscem sese Cytherea nouauit,

Quum Babiloniacas summersa profundit in undas

Anguipedem alatis humeris Typhona furentem,

Inseruitq; suos squamosis piscibus ignes.

Quod igitur piscatu vivebat, apud Romanos non utiq; vile erat hominum genus. Etenim, monente Fest. Piscatory Ludi quotannis mense Iunio trans Tiberim fieri solebant à Pratore Urbano pro Piscatoribus Tiberinis, quorum quæstus non in macellum peruenit, sed ferè in arcam Vuleani, quod id genus pisciculorum viuorum datur ei Deo pro animis humanis. Quinimo sua etiam Vtensilia Piscatores Artis Regi vouebant Cap. 3. Epigram. I. hoc est, Neptuno Nympharum & Fluuiorum Patrono, quem Lubino interprete Architalassum vocat Philippus Epigram. X. Mercurio itidem Epigram. 2. & 3. Priapo verò Pisces suspendebant. Epigram. XII. quemadmodum & Pani Deo Cancrum Copalus, piscationis primitias. Epigr. XIV.

Taceo præter insigne emolumentum huius exercitij iucunditatem, quo delectati olim hodieq; Viri Principes. Suetonius de Nerone notat, quod piscatus est rete aurato, purpura cocchioq; funibus nexis. Ingentem rei accessionem manifestat memoria sanè dignissima vetus Inscriptio posita Piscatorum Patrono, quam procul dubio ille ipsorum Collegio debuit.

TI. CLAVDIO. ESQVIL. SEVERO
 DECVRIALI. LICTORI. PATRONO
 CORPORIS. PISCATORVM. ET
 VRINATOR. QQ. III. EIVSDEM. CORPORIS
 O. B. M. E. R. I. T. A. E. I. V. S.
 QVOD. HIC. PRIMVS. STATVAS. DVAS. VNAM
 ANTONINI. AVG. DOMINI. N. ALIAM. IVL
 AVGVSTÆ. DOMINÆ. NOSTR. S. P. P
 VNA. CVM. CLAVDIO. PONTIANO. FILIO
 SVO. EQ. ROM. ET. HOC. AMPLIVS. EIDEM
 CORPORI. DONAVERIT. H. S. X. MILIA. N
 VT. EX. VSVRIS. EORVM. QVODANNIS
 NATALI. SVO. XVII. KAL. FEBR
 SPORTVLÆ. VIRITIM. DIVIDANTVR
 PRÆSERTIM. CVM. NAVIGATIO. SCA
 PHARYM. DILIGENTIA. EIVS. ADQVISITA
 ET. CONFIRMATA. SIT. EX. DECRETO
 ORDINIS. CORPORIS. PISCATORVM
 ET. VRINATORVM. TOTIVS. ALV. TIBER
 QVIBVS. EX. SC. COIRE. LICET. S. P. P

CAPVT XXXII.

ARTIFICVM DONARIA.

Diuersa Artificum Collegia suos habuisse Deos tute-
 lares, quibus suum quæq; cultum præstabant, nullum
 est dubium. Fuisse tamen inter eos video, qui sui
 muneris memores exacto opere instrumenta, quibus
 uti fuissent feliciter, Deo cuiuspiam priuatim dicabant. ut è
 multis paucos recenseam, quorum iam mihi subuenit memo-
 ria. Textores, Radium, ceteraq; ad Lanificium necessaria
 Mineruæ sacrarunt Cap. 8. Epigram. Eidemq; Mineruæ arti-
 ficiorum præsidi Epeum Heroa consecrantem Securim, qua

Z 2 ipse